

Na osnovu čl. 4.2. i 5.3. Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju (“Službeni glasnik BiH”, broj 5/05), na sjednici Državne regulatorne komisije za električnu energiju, održanoj 20. novembra 2024. godine, donijeta je

ODLUKA
O ODOBRAVANJU PRAVILA
ZA DODJELU PREKOGRANIČNIH PRIJENOSNIH KAPACITETA

I

Ovom Odlukom odobravaju se sljedeća pravila za raspodjelu, odnosno dodjelu prekograničnih prijenosnih kapaciteta:

- Pravila za godišnje i mjesečne aukcije za raspodjelu prijenosnih kapaciteta na granici između zona trgovanja EMS AD Beograd (EMS) i Nezavisnog operatora sistema u Bosni i Hercegovini (NOS BiH).

II

Pravila iz tačke I ove Odluke, čije je odobrenje zatražio Nezavisni operator sistema u Bosni i Hercegovini svojim aktom broj 05-1774-1/24 od 13. novembra 2024. godine, objavit će se na način određen internim aktima Nezavisnog operatora sistema u Bosni i Hercegovini.

III

Pravila za unutarnevnu raspodjelu prijenosnih kapaciteta na granici regulacijskih područja Nezavisnog operatora sistema u Bosni i Hercegovini (NOS BiH) i Crnogorskog elektroprenosnog sistema AD (CGES), odobrena Odlukom broj 04-28-10-353-2/20 od 4. novembra 2020. godine (“Službeni glasnik BiH”, broj 73/20), nastavljaju se primjenjivati, kao i sljedeća pravila odobrena Odlukom broj 04-28-9-292-2/21 od 17. novembra 2021. godine (“Službeni glasnik BiH”, broj 73/21):

- Pravila za dnevne aukcije za raspodjelu prijenosnih kapaciteta na granici između zona trgovanja EMS AD Beograd (EMS) i Nezavisnog operatora sistema u Bosni i Hercegovini (NOS BiH);
- Pravila za unutarnevnu raspodjelu prijenosnih kapaciteta na granici između zona trgovanja Nezavisnog operatora sistema u Bosni i Hercegovini (NOS BiH) i EMS AD Beograd (EMS);
- Pravila za unutarnevnu dodjelu prekograničnih prijenosnih kapaciteta između regulacijskih područja / Hrvatski operator prijenosnog sustava (HOPS) i Nezavisni operator sistema u Bosni i Hercegovini (NOS BiH).

IV

Ova Odluka stupa na snagu danom donošenja i objavit će se u “Službenom glasniku BiH” i službenim glasilima entiteta i Brčko Distrikta Bosne i Hercegovine.

Broj: 04-28-15-374-2/24
20. novembra 2024. godine

Tuzla

Predsjedavajuća Komisije

Branislava Milekić